



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

155. An Sacerdos ad dandum Viaticum moribundo possit celebrare absque  
prævia confessione? Ex qo à fortiori infertur, quod si Sacerdos, hausto  
inscienter veneno, deficiente copia Confessarij, & ...

---

[urn:nbn:de:hbz:466:1-76393](#)

illum non damnarem, cùm sequeretur sententiam  
fatis probabilem, quam tenent viri doctissimi. Ita-  
que, si casus occurrat, potest quis vel non commu-  
nicare, vel si vult, communicet; præmissa tamen  
contritione de peccatis commissis.

## RESOL. CLV.

*An Sacerdos ad dandum Vaticum moribundo possit  
celebrare absque prævia confessione?*

*Ex quo à fortiori infertur, quod se Sacerdos, hausto in-  
scienter veneno, deficiente copia Confessarij, sentiat  
paulatim vires sibi deficere, & mortem appropin-  
quare, poterit quidem hujusmodi Sacerdos cum con-  
scientia peccati mortalis, præmissa contritione, Mis-  
sam celebrare absque confessione, ut seipsum com-  
municare possit in eo mortis periculo, & etiam non  
jejunus in dicto casu.*

*Et appetit dispar ratio, quare sine vestibus non licet  
celebrare pro dando Vaticum infirmis, & licet cele-  
brare sine prævia confessione. Ex part. 9. tract. 3.  
Ref. 17.*

*Sup. conten- §. 1. Negativè respondet Ochagavia de Sacram.  
to in hoc, & Euchar. tract. 2. quest. 9. n. 5. ubi sic ait:  
seq. §. suprà [Non tamen probabilem iudicio sententiam Henri-  
in Ref. 148. quez in Summa, tom. 2. lib. 8. de Eucharist. cap. 47. affe-  
à lin. 5. & rentis, debere Sacerdotem sine præmissa Confessio-  
pro parte, ne fuit in ne suorum mortaliū celebrare, cùm ægrotus con-  
150. & in stitus est in articulo mortis, & tenetur Sacram  
Ref. 151. §. Ni obsta & Communionem recipere; quia tunc non currit pre-  
in tom. 2. tr. ceptum Communionis, cùm non sit copia Sacra-  
1. Ref. 134. mentis, quia Sacerdos nequit celebrare nisi debito  
§. vlt. imprin- modo, vt non posset Sacerdos ob eam causam sine  
cipio. vestibus sacrī celebrare.] Ita ille.*

*2. Sed sententia Henriquez non solum est pro-  
babilis, sed tenenda. Et ideo affero cum Fagundez  
Præcept. 3. lib. 3. c. 9. num. 4. ex Suarez, quod si ne-  
cessitas proximi in articulo mortis urgeat, itaut ne-  
cessarium sit Sacrum facere, & hostiam consecrare  
ad illum communicandum, & non detur copia Con-  
fessarij; rectè poterit sacerdos, habens conscientiam  
peccati mortalis, habita contritione, celebrare; quia  
illa necessitas proximi eo casu, ut propria reputanda  
est, juxta illud: *Diliges proximum tuum, sicut te ipsum.* Et ratio est: quia iam tunc dantur prædictæ duæ  
conditions requisiæ ad celebrandum, & communi-  
candum absque Confessione, nempe, necessitas  
urgens, & defectus copie Confessarij: & parum  
refert, quod illa necessitas non sit propria, sed pro-  
ximi, cùm pro propria habenda sit. Ex his à fortiori  
infertur, quod si Sacerdos hausto inscienter veneno,  
deficiente copia Confessarij, sentiat paulatim vires  
sibi deficere, & mortem appropinquare; poterit  
quidem hujusmodi Sacerdos cum conscientia pec-  
cati mortalis, præmissa contritione, Misam cele-  
brare absque Confessione, ut seipsum com-  
municare possit in eo mortis periculo: imò nec solum je-  
junus; sed etiam post cibum, & non jejunus in eo  
casu ut seipsum communicaret, celebrare potest. Et  
ratio est: quia tunc communicat per modum Vati-  
ci: quo casu permititur Communio non jejunis; &  
quia non datur copia Confessarij, & aliundæ urget  
præceptum divinum communicandi in articulo &  
periculo mortis; atque adeò concurrunt prædictæ  
duæ circumstantiae requisiæ, urgens necessitas, &  
defectus copie Confessarij.*

*3. Nec obstat dicere in favorem Ochagavia, quod  
prohibitio celebrandi sine vestibus est de jure posi-  
tivo; prohibitio autem celebrandi absque prævia  
Confessione est de jure divino. Ergo, si ad dandum  
Vaticum moribundo, non est licitum celebrare*

absque vestibus sacrī; à fortiori non erit licitum  
celebrare sine prævia Confessione. Respondeo,  
quod irreverentia celebrando sine vestibus sacrī  
non potest in nostro casu aliunde compensari; irre-  
verentia vero celebrando sine prævia Confessione  
potest compensari aliunde, nempe, per contritionem.  
Ergo est dispar ratio inter utrumque casum.  
*Sup. hoc  
fine vesti-  
bus in tom. 2.  
1. Ref. 134.  
rationes penes Cardinalem Lugo de Sacramen-  
to. Nota cu-  
m. in aliis  
cibus 100.  
Et ita  
nostram sententiam affirmativam contra Ocha-  
gaviam tenet etiam Adamus Tannerus tom. 4. dis-  
put. 5. q. 8. dub. 2. num. 36.*

## RESOL. CLVI.

*An Sacerdos, si nō adst copia Confessarij, possit absque  
prævia confessione perficere Missam, in qua hostia  
consecrata celebrans mortuus est?*

*Et an ad hanc teneatur?*

*Et adhuc, quod seposito scandalo Sacerdos in  
mortali constitutus possit excusari à Sacrificio alte-  
rius perficiendo, si moraliter vix possit contritionem  
elicere. Ex part. 9. tr. 3. Ref. 14.*

*§. 1. A D hunc casum responderet Joannes Pra-  
positus in 3. part. D. Thom. q. 80. ar. 5. dub.  
3. n. 19. f. Si post consecrationem, etiam unius speciei,  
celebrans moriatur, vel deficit, nec adst alius, qui  
Sacrificium perficiat, præter Sacerdotem peccato-  
rem; hic potest, & tenetur, etiam non præmissa Con-  
fessione, (quam suppono non posse instituere,) Sa-  
cramentum perficere, & communicare; nam major  
est obligatio Sacrificij perficiendi, quam præmit-  
tente Confessionem communione, & absolute censur  
grave, quod Sacrificium imperfectum remaneat; unde  
necessitas illius complendi abunde sufficit, vt  
possit aliquis omisa Confessione communicare.*

*2. Adverte tamen, quod seposito scandalo, Sacer-  
dos in mortali constitutus posset excusari à Sacrifi-  
cio alterius perficiendo, si moraliter vix posset contri-  
tionem elicere: nam, quamvis homini non deit  
divinum auxilium ad hujusmodi contritionem eli-  
ciendam, interdum tamen potest ita multis mortali-  
bus implicari, & tam diuturna peccandi consuetude-  
ne, vt illi difficillimum, & moraliter impossibile,  
perfectam contritionem elicere: quo casu, cùm non  
offerat imperfectum Sacrificium, sed ab alio inchoatum  
relinquat imperfectum, ad quod perficiendum  
non tenetur, si non possit cum dispositione necessa-  
riæ requiri, videtur, quod non tenetur Sacrificium  
ab alio inchoatum perficere, si, moraliter lo-  
quendo, vix possit adferre congruum dispositionem,  
sed quod possit relinquare imperfectum, circa quam  
imperfectionem solum permitti se habet. ] Hæc  
omnia Praepositus, qui citat Sotum, & Toletum.*

## RESOL. CLVII.

*Enumerantur casus, in quibus tenetur Sacerdos premit-  
tere confessionem adversus alios contrariū sentientes.  
Ex quo deducitur, quod quando privilegium est neces-  
sarium ad servandum aliquod præceptum divinum,  
tenetur homo uti prærogatio, ut seruat illud; quando  
vero præceptum est humanum, probabilis est senten-  
tia, quod non tenetur homo uti prærogatio; ut si sit  
cessatio à Divinis in aliqua Cœnitate, & concedatur  
facultas alicui Ecclesiæ, ut in ea agatur res Sacra,  
tunc probabile est, quod non tenetur populus audire  
Missam. Ex part. 9. tract. 3. Ref. 13.*

*§. 1. P.*